

[www.BibleForChildren.org](http://www.BibleForChildren.org)

# Matiu 26





Anutuu mait  
elmäa akunet  
temanöm  
söpänäak ngolöp  
yaëen kët 6 äak wiaan  
ten Yesuring Petani kak  
së oröaut. Kak pörek Lasaras  
Yesuuk weletakaan wal ë  
moulmäaup pim kak. Pël  
ëen Maria pi i köp nga  
kamp sum kësang yaaö kep kot  
nent wak Yesuu ingesiarë lë  
momäak pim kepön ëptaring kol  
yemowas. Pël ëen i pöta kamppel  
ka pöt ur wariak wieäa.




Akun pötak Yesuu ru 12 pöröakaan namp yapinte  
Yutas Keriot kakaanëp puuk kiri ar yaaö kaöaröa naë  
së piin kup mowiipënëak war wesak  
ök mëä. Pël ëën pit kat wiak  
ya kë sak sum mampënëak  
mëä. Pël maan pi Yesuun  
kup mowiipënëak kan ap  
weseima.



Pël niaan ten pim ök niia pöl ääk  
së Anutuu mait elmëa akunetak  
kaömp nënaat ar ääk kopëta  
wesaut. Pël mëak ten kaömp yenem  
Yesuuk kaömp nent wak Anutuun  
yowe mëak pel ninak epël yenia.  
"Epët nem mësepëtak wa neë." Pël  
niak wain kelön nent wak Anutuun  
yowe mëak ten ninak epël yenia.  
"Epët nem iit. Il  
yoolaan Anutuuk  
omën selap pitëm  
saunat won  
yewasem pim sulöp  
ngolöpët taë yewas.  
Pötaanök ar pourö wak neë."



"Saimon, Saimon kat wi. Seten pi raisatë koröp  
koëak wël yeë pöl ar morök elniipënëak ya. Pël èen  
nook nim kön wi kosang yewesaut won sèpanëak  
kaamök elniak Anutuun kimang mëëaut. Pötaanök ni  
ënëmak kaalak kaip tiak pöt nim karurö taë  
mowasum." Pël maan Pitaak epël mëëa.



"Aköp, ni weletak ma wii kaatak yesën pöt ne tepër söpëaap." Maan Yesuuk kangiir epël mēëa. "Pita ne niamaan kat wi. Ni peene rōök epētak kokor ngön naën wiaan akun nentepar nent ëak neen wonwon mamëëp."



Pörekaan yesem yang lup nenta yapinte Kesemani pörek sê oröak Yesuuk tenën epël yenia. "Ar eprek wëen ne ëngkrek sê Anutuun kimang memaan." Pël yeem epël mëä. "Pep ni omnant poprak naën yaaup. Pötaanök ni kön wiin pangk ëen pöt këlangön nem naë orööpënëak yaë epot mop wasum. Nem könöök won, nim könöökë wiaul ëëm."



Pörek sē wēen Yutas pi Rom nga naröere kiri ar yaaö  
kaöaröere Parisi ngönēn omnaröa naëaan polis narö  
koirak nga ë omnant wak es mangiak waisa.  
Pël mäak pitēm naëaan nampök kiri ar yaaö  
wotöököpē inēen ru namp möak pim  
kat yaapkēep per olëa. Pël  
ēen Yesuuk itenak epël mēea.  
"Ar sēp weseë." Pël mäak  
omēn pöpē katēep moröak  
ompyaö mowesa.



Pël maan pit Yesu wali wak kiri ar yaaö wotöököpë  
kaatakë sa. Pël een Pita pi enemenem sa. Pël eak  
itaangkën ngaarö emöökë kakaati së ilëak ka  
tomök es merak mor  
yesem wëen Pita pi  
pitëm tekrak së  
wel aisëa.



Pël maan kiri ar yaaö  
wotöököpë inëen ru  
namp Pitaë öp möak  
katëep per olëa pöpë  
karipök epël yema.

"Yaap, ne itaangkën Olip  
yaöök piiring wëen itenaut  
koröp." Pël maan Pitaak epël  
yema. "Ne won." Pël yemaan kokor  
namp ngön ya. Ngön pël mëëa  
pöten kön wiak ya ilak sëen  
tomökël së ing kaö pan ëa.




Omën pourö wal äak Yesu mäsak  
Rom yang ngarangkep Pailatë naë  
sa. Pël maan Pailat pi Yesuun pëel  
mäak epël mëëa. "Ni Yuta omnaröa  
omën omp aköp ma?" Maan kangiir  
epël mëëa. "Yok yaan  
pi tapët." Pël maan  
Pailatök kaalak epël mëëa.  
"Ne Yesu wil momëëmaat."  
Maan pit ngön äak epël mëëa.

"Këra yetaparak möön wel wiip.  
Këra yetaparak möön wel wiip."




Pël maan Pailat pi ngön pöt kat  
wiak Yesu këra yetaparak  
mööpënëak ngaaröa naë wes  
yemomë. Ngaarö pit Yesu  
pimtë këra yetapër menak  
waalën kakaan mësak yang lup  
nenta yapinte Kepön Kos, Yuta  
ngöntak Kolkota, pörekë yes.



Pörek sē Yesu kēra yetaparak mö  
yemoulmē. Yesu tekarak, ěn omēn  
naar, namp we naöök ě yaulmē.



Pël yaëen ngönën tup kaöetak poë koröp kësang  
ngeröök uteëaumpel luptak keliak nempelnempel äak  
sa. Pël ëen Yesu pi ngön äak epël mëëa. "Pep, nem  
könöp nim moresi yanuulë."  
Pël mëak yok wel wia.



Pi kansolöröa wotöök wë Anutuu wa  
ngaöök nimëepnaaten kent kön  
wieimaup. Puuk kas kön  
nawiin Pailatë naë së  
Yesuu sokuren ök  
mëëa.

Pël maan  
Yosep pi së poë  
koröp kölam naö  
sum ëäk së Yesuu  
sokur yetaprakaan ent  
ëäk poë koröp pöök kör  
koëäk wak së pimtëen  
wesak kël öngöp tëa  
naöök wiak kël kaö naö  
kur kaip tiak kanrak il  
wari ulmëa.



Kë yesa akun ngëengktakëen omnant  
kön yaëen ëlpam walën  
ngëengk akun pöt oröön  
kiri ar yaaö kaöaröere  
Parisi ngönën omnarö  
wa top ëak Pailatë  
naë së epël mëëa.



“Kaöap, kaar omnamp pim öp wë epël  
ëäö pöten ten kön yawi. 'Ne wel  
wiak kët nentepar nent  
won yesën kaalak wal  
ëëmaap.” Pël maan pit  
ngaaröaring së  
këlöökë rangk kë il  
mowiak ngaarö  
ngarangk öpënëak  
moulmëa.



Kë yesa akunet pet irën Sante  
wangam kan ëlpam walëpënëak  
yaëën Maria Matala  
kakaanëpre Maria muntap  
piarip itaampënëak  
yangaöökë sa.



Yesën moup kësangpel möön Aköpë  
ensel namp kutömweriaan irëak  
këlö wa pëlëër wiak rangk  
wel aisëëä. Pël ëën  
ngarangk wëaurö pit  
itenak kas kësang  
ëak reireë urak it  
köpköp tiak së  
ngentiak wieëä.




Pël één öngaar sê oröön enselëpök  
epël mëëa. "Arip kas ëëngan.  
Ne ëwat wë. Arip Yesu këra  
yetaprak möaupön  
itaampunëak waisan.  
Pël ëanëp eprek won  
wiaap. Pim ngaan ök  
niia pöl ëak wal ëa.  
Wais, ur koseten  
iteneë."



Pël maan piarip teëntom yangaöökaan  
kaip tiak ërëpsawi kaö ë ruuröen ök  
mapënëak sa. Yesën Yesu kan  
kourak koirak, "Yowe" mëëa. Pël  
ëën piarip pim naë së tok oriak  
ingesiarë moröak yaya mëëa.





Ēnëmak ru 11 pörö wa top äak kaömp neim wëen ëö  
pet elmëa. Pël äak wal äak wëen itenauröak ök maan  
pitëm lupöt il wariak wëen kön wi kosang nemowasën  
ëa pötaan kos elmëa. Aköp Yesu pi ngön pipël ök më  
pet irën Anutuuk wak kutömweri isa. Pörek së pim  
yaapkëetakël wel aisëak wë.



Anutu pi yangerak omnarö lup sant  
elniak pim Ru kopëtap wes nemëen  
irëaut. Pötaanök narö ar neen kön wi  
kosang newasënëerö kö nasëngan,  
wëwë kosangtak öneëerö.



Rom 3:23

Tiar pourö utpet äak Anutu pim ompyaö öpenäak niia pöl  
naön yaaurö.

Rom 6:23

Pöt arim utpetatë inëen yaauta kang pöt wel koirënëet.  
Ën Anutu pim kësangën yaalni pöta këet Yesu Kristook  
yal menak wëwë kosangët koirënëet.

Ipru 9:27

Anutuuk omën pourö akun kopëtet wel wiipenäak niiaurö.  
Pël äak pöta rangk pim naë ngön yaatak orööpenäak niia.



## Epesas 2:8,9

Pöt pi komre kolap yaalniem arim Kristoon kön wi kosang yewesautaan utpetetakaan niwa. Pöt arimtok yok pangk naën äan tapön. Anutuuk yaap elnia. Ar Anutuuk pël elniipënëak ya ompyaö nent namëngkën äaurö. Pötaanök arimtën ing ti wak angan.

## Rom 10:9,10

Arim këmötëaan, "Yesu tenim Aköp," pël ök yeem lupötök Anutuuk Yesu weletakaan wal ë ulmëa pöt kön wi kosang wasënë pöt Anutuuk utpetetakaan kama niöpnaat. Pöt tiarim lupötök Yesuun kön wi kosang yewasën Anutuuk wotpil niwasëpnaat pötaanök.

Këmötök, "Pi tenim Aköp," pël yaan utpetetakaan kama niöpnaat.



## Son 3:16,17

Anutu pi yangerak omnarö lup sant elniak pim Ru kopëtap wes nemëen irëaut. Pötaanök narö ar neen kön wi kosang newasënëerö kö nasëngan, wëwë kosangtak önëerö. Ruup ne ngön ë pet yairauröa yaë pöl elniimëak won, omnarö utpetetakaan kama niömëak Anutuuk wes nemëen irëaut.

## 1 Son 5:11-13

Wëwë kosangta ngön këët Anutu pim ök yenia epët. Pi wëwë kosangët ninaut. Ën wëwë kosangta pep pöp pim Ruup. Omën Ruupë naë rë olëak wë pipop pi wëwëetak wë. Ën namp Anutuu Ruupë naë rë olëak naön yaë pipop pi wëwëetak naön yaë. Ar Anutuu Ruupön kön wi kosang yewas pöröak wëwë kosangtak wë pöten ëwat sënëak ngön epët retëng ë yaningk.



Matiu 26-28; Luk 22-24; Son 13-21

Storyline by: Edward D. Hughes

Illustrated by: Janie Forest  
and Alastair Paterson

Adapted by: Lyn Doerksen

Weri NT (wer) © 1984, Wycliffe Bible Translators, Inc.  
All rights reserved.

<https://live.bible.is/bible/WERWBT/MAT/1>

©2025 Bible for Children, Inc.

[www.M1914.org](http://www.M1914.org)

[www.bibleforchildren.org](http://www.bibleforchildren.org)

